



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ  
ՊԱՐԵԿԱՅԻՆ ԾԱՌԱՅՈՒԹՅՈՒՆ

0090, ք.Երևան, Շոպրոնի 77, Հեռ.

N 91/138

<< 27 >> 01 2022թ.

Գուրգեն Հակոբյանին  
Ք.Երևան Ռոստոմի փողոց 96 տուն

Ուղարկում եմ Ձեր դիմումը հիման վրա ՀՀ ոստիկանության պարմկային ծառայության իրավաբանական բաժանմունքում իրականացված վարչական բողոքարկման վարույթի արդյունքում թիվ 8180088226 վարչական ակտը բեկանելու և վարչական իրավախախտման վերաբերյալ գործի վարույթը կարճելու մասին որոշումը:

Առդիր՝ << 2 >> թերթ:

Պետ,  
ոստիկանության գնդապետ՝

Ա. Ումրշատյան

Կատ. Ս.Ավետյան  
010-30-42-02



## Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 11.01.2021թ-ին կայացված թիվ 8180088226 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 27 >> 01 2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա.Ումրշատյանս, վերանայելով Գուրգեն Հակոբյանի (Ծանուցման հասցե՝ ք.Երևան Ռոստոմի փողոց 96 տուն) 11.01.2022թ. դիմումի հիման վրա հարուցված վարչական բողոքարկման վարույթի նյութերը,

## Պ Ա Ր Զ Ե Ց Ի

11.01.2022 թ.-ին՝ ժամը 02:50-ին, Երևան քաղաքի Մաշտոցի պողոտայում քաղաքացի Գուրգեն Հակոբյանը «Օպել» մակնիշի 69 QV 999 հաշվառման համարանիշի տրանսպորտային միջոցը վարել է առանց գործող ԱՊՊԱ պայմանագիր: ՀՀ ոստիկանության պարեկային ծառայության Երևան քաղաքի գնդի 2-րդ պարեկային գումարտակի 3-րդ վաշտի ավագ պարեկ Արամ Դանիելյանի կողմից վարորդի նկատմամբ կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի հատկանիշներով կայացվել է թիվ 8180088226 որոշումը՝ Գուրգեն Հակոբյանին 100.000 ՀՀ դրամի չափով տուգանելու մասին:

11.01.2022 թվականին ՀՀ պարեկային ծառայություն ստացված դիմումով Գուրգեն Հակոբյանը խնդրել է անվավեր ճանաչել ՀՀ ոստիկանության պարեկային ծառայության վարչական իրավախախտման վերաբերյալ գործով 11.01.2022թ. կայացված 8180088226 որոշումը՝ նշելով, որ տրանսպորտային միջոցը ունեցել է գործող ԱՊՊԱ պայմանագիր և ներկայացրել է թիվ SK 862406 ԱՊՊԱ պայմանագրի լուսապատճենը:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել է, որ վարչական իրավախախտման վերաբերյալ գործով 11.01.2022թ. կայացված թիվ 8180088226 որոշումը ենթակա է բեկանման՝ հետևյալ պատճառաբանությամբ.

Դիմողը ծանուցվել է վարչական լսում իրականացնելու օրվա և ժամի մասին, սակայն չի ներկայացել:

«Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին» ՀՀ օրենքի 5-րդ հոդվածի 4-րդ մասի համաձայն՝ յուրաքանչյուր անձ պետք է մշտապես ունենա սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) և Հայաստանի Հանրապետությունում հաշվառված յուրաքանչյուր ավտոտրանսպորտային միջոցի համար կնքված և գործող ԱՊՊԱ պայմանագիր: Արգելվում է ընդհանուր օգտագործման ավտոմոբիլային ճանապարհներով ավտոտրանսպորտային միջոցի վարումը, եթե դրա համար առկա չէ այն վարելու պահին գործող ԱՊՊԱ պայմանագիր:

«Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն՝ առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության



Հանրապետության տարածքում ընդհանուր օգտագործման ավտոմոբիլային ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

Քաղաքացու դիմումի հիման վրա հարուցված վարչական վարույթի շրջանակում պարզվել է, որ 11.01.2022թ.-ին՝ ժամը 02:50-ին, «Օպել» մակնիշի 69 QV 999 հաշվառման համարանիշի տրանսպորտային միջոցն ունեցել է գործող ԱՊՊԱ պայմանագիր:

ՀՀ ավտոապահովագրողների բյուրոյի էլեկտրոնային կայքից կատարված քաղվածքի համաձայն «Օպել» մակնիշի 69 QV 999 հաշվառման համարանիշի տրանսպորտային միջոցը 11.01.2022թ.-ի ժամը 02:50-ին ունեցել է գործող ԱՊՊԱ պայմանագիր:

ՀՀ ՃՈ էլեկտրոնային ռեգիստրից կատարված քաղվածքի համաձայն «Օպել» մակնիշի 69 QV 999 հաշվառման համարանիշի տրանսպորտային միջոցը 07.01.2022 թվականից մինչև 07.04.2022 թվականն ունի գործող ԱՊՊԱ պայմանագիր:

«Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի ա) կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է՝ օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման, եթե բացակայում է վարչական իրավախախտման դեպքը կամ կազմը:

Այսպիսով, ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասով և 293-րդ հոդվածի 1-ին մասի 3-րդ կետով՝

### Ո Ր Ո Շ Ե Ց Ի

1. ՀՀ պարեկային ծառայության վարչական իրավախախտման վերաբերյալ գործով 11.01.2022թ. կայացված թիվ 8180068226 որոշումը բեկանել և վարչական իրավախախտման վերաբերյալ գործի վարույթը կարճել:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

3. Սույն որոշման օրինակն ուղարկել Գուրգեն Հակոբյանին և ՀՀ պարեկային ծառայության Երևան քաղաքի գունդ:

Պետ,  
նստիկանության գնդապետ՝

Ա.Ումրշատյան

